

SCRIPT OF EVENING GOJRI NEWS BULLETIN 2DEC 2025

1700HRS

ایوننگ گوجری نیوز بولیٹن 2 دسمبر 2025

یوہ آکاشوانی جموں ہے نصرت چودھری تے محمد سفیر تیں خبر سُنو۔

HEADLINES

- ۱۔ لوک سبھا مانہہ انتخابی فہرست گی ترمیم گا معاملہ ور حزب اختلاف گا شور شرابہ گے دوران ایوان گی کاروائی اج ملتوی کردتی گئی۔
- ۲۔ وزیر اعلیٰ عمر عبداللہ نے 3 دسمبر نانہہ ہون آلی کابینہ میٹنگ نانہہ اہم قرار دتو ہے تے تخصص پالیسی مانہہ تبدیلی گا امکانات وی ہیں۔
- ۳۔ وزیر اعلیٰ عمر عبداللہ نے راجوری مانہہ چل رہیا ترقیاتی کماں غو جائیزو لیو۔
- ۴۔ لداخ گا لیفٹیننٹ گورنر کویندر گپتا نے اظہار کیوہے جے لداخ سال بھر آمدرفت تے سرمائی سیاحت نانہہ فروغ دین گو ہدف رکھے۔
- ۵۔ چیف سیکرٹری اٹل ٹلو نے جموں تے کشمیر یونیورسٹی گا موسیقی ہنر فن گا اداراں گی جدید کاری ور زور دتو۔

LS ADJOURNMENT

سپیشل انٹینسیو رویزن یعنی ووٹر لسٹ غی پوری طرح سنگ دوبارہ جانچ غا مسئلہ ور چل رہی کشمکش غی وجہ تیں لوک سبھا غی کاروائی پورا دن واسطے ملتوی کردتی گئی ایوا ماہہ اج دوبارہ کاروائی رُکی تے آخر ماہہ حزب اختلاف غی ایس آئی آر ور بحث غا مطالبہ تیں بعد دن بھر واسطے ملتوی رئی۔ جد لوک سبھا دوجی واری ملتوی تیں بعد تہاڑی غا 2 بجے بیٹھی تد حزب اختلاف غا اراکین پھر تیں نعرہ لاتا واں ایوان غے اندر آگیا اس ہنگامہ غی وجہ تیں ایوان نانہہ دن بھر واسطے ملتوی کرنو پیو اسی دوران راجیہ سبھا غی کاروائی وی حزب اختلاف غا شور تے مختلف مسائل جن مانہہ ایس آئی آر وی شامل ہے غے باعث تہاڑی غا 2 بجے توڑی ملتوی کردتی گئی۔

CABINET MEETING

وزیر اعلیٰ عمر عبداللہ نے پلک ایک اہم کابینہ میٹنگ بُلائی ہے جس مانہہ سرکار کئی بڑا فیصلہ کرن غی امید ہے ان مانہہ نوکری تے تعلیمی اداراں مانہہ اوپن میرٹ کوٹا بدھان غو فیصلو وی شامل ہے۔ آکاشوانی جموں گا نمائندہ غے مطابق اس میٹنگ مانہہ تخصص بارے پالیسی سب تیں اہم موضوع وے غو یاہ میٹنگ سویرے 9 بجے سیول سیکرٹریٹ جموں مانہہ وے غی تے دربار بدل تیں بعد پہلی باضابطہ کابینہ میٹنگ وے غی۔ اس میٹنگ مانہہ تخصص غا قوانین مانہہ تبدیلی غو وی جائیزو لیو جے غو تانجے گجھ زمران مانہہ کوٹا نانہہ مناسب طریقہ سنگ تربیت دتی جاسکے۔

CMJ RAJOURI VISIT

وزیر اعلیٰ عمر عبداللہ نے اج ڈاک بنگلہ راجوری مانہ ایک جائیزہ میٹنگ غی صدارت کی اس میٹنگ غے دوران ضلع مانہ سڑکاں بارے پُچھیا گیا سوال گا جواب مانہ وزیر اعلیٰ نے اس طرح کہو یاد رہ جے وزیر اعلیٰ عمر عبداللہ نے پونچھ حویلی گا ایم ایل اے اعجاز جان غے گھر جا غے اُن غی والدہ تے ڈی ڈی سی ممبر عتیقہ جان گی فاتحہ خوانی وی کی تے موصوفہ گا عوام گی بہتری واسطے کیا گیا کماں گی سراپنا کی اُن غے ہمراہ سنئیر رہنما جاوید احمد رانا، ناصر اسلم وانی تے چودھری محمد اکرام وی موجود تھا۔

FARMERS TOUR

ادھمپور غا باغبانی محکمہ نے 35 کساناں نانہ 5 دن غی تربیت واسطے ہماچل تے پنجاب بھیجیو بے یوہ دورو مرکز غی طرفوں چلائی گئی تے مالی مدد غی سکیم غے تحت بے جس غو مقصد کسانا نانہ نوی تکنیک تے بہتر زرعی طریقاں تیں آگاہ کرنو بے ایم ای اے، ادھمپور وسٹ، پون کمار گپتا نے محکمہ باغبانی غا چیف افسر برج ولب گپتا غے ال دورہ نانہ چھنڈی دس غے روانہ کیو۔ اس پروگرام مانہ کسانا نانہ موقع ور ہی جدید تربیت دتی جے غی تانجے وہ اپنی تکنیکی صلاحیتاں تے ماحول دوست کھیتی غا طریقہ بہتر بنا سکیں آکاشوانی غا خیراں آلا شعبہ سنگ گل کرتا واں چیف ہارٹیکلچر گپتا نے اس طرح کہیو۔ تے تور ور جان آلا ایک کسان وشال نے اس طرح کہیو۔

PROG ANN

آکاشوانی جموں غو علاقائی خیراں آلو شعبو جنگلی حیاتیات گا بچاو بارے تہاڑا گا موقع ور ایک خصوصی پروگرام نشر کرے غو 25 منٹ غو یوہ پروگرام آئندہ 4 دسمبر نانہ دوپہر 12 بجے نشر کیو جے غو اس موقع ور مہارہ مہمان خصوصی جموں کشمیر گا پرنسپل چیف کنزرویٹور فارسٹ تے جنگلی حیاتیات بارے چیف وارڈن سرویشور رائے اپنا ماہرانہ خیالات تفصیلاً پیش کریں گا۔ اس پروگرام گو موضوع جنگلی زندگی غو تحفظ تعلیم تے آگاہی غے ذریعے ہوا گو اور پروگرام گی میزبانی شروتی کھجوریہ کری غی۔ مہارہ سامعین یوہ پروگرام تے اس وعیت غا بکھ بکھ پروگرام تے معلوماتی خبر سُنن واسطے میڈیم ویو 303 میٹر یعنی 990 کلو ہٹز تے ایف ایم 100.3 میگا ہٹز ور سُن سکیں غا۔

LG LADAKH

لداخ گالیفٹینٹ گورنر کویندر گپتا نے اج اپنا جنم تہاڑا ور کٹرہ مانہ ماتا ویشنو دیوی مندر مانہ حاضری دتی۔ ذرائع سنگ گل بات کرتا وا اُنہاں نے دسیو کہ جد زوجیلا سرنگ آن آلا براں مانہ مکمل ہوجے غو تددلداخ نانہ سال بھر ہر قسم غا موسم مانہ ملک غے نال بہتر سڑک رابطو مل جے غو اس سنگ لوکاں نانہ بڑی سہولت لبے غی ملک غی فوج تے سرکاری کماں واسطے ضروری سامان نانہ وقت ور صیح جگہ پُجان غو نظام مضبوط بنے غو تے پورا سال تجارت مانہ اضافو وے غو اُنہاں نے مزید اس طرح کہیو۔

CS IMFA

چیف سیکرٹری اٹل ڈلو نے اج جموں تے کشمیر یونیورسٹی تیں وابستہ موسیقی تے اس تیں جڑیا فن غا ادارہ غی توسیع تے ترقی غو جائیزو لیو اُنہاں نے کہیو کہ یوہ ادارو جمو کشمیر غا نوجوانان غا فن تے موسیقی غی صلاحیتاں نانہ بکھارن مانہ بہت اہم کردار ادا کرے۔ چیف سیکرٹری نے ہدایت دتی کہ ان اداراں نانہ جدید سہولت غے نال تیار کیو جے تانجے طلبہ نانہ بہتر تعلیمی ماحول مل سکے۔ اُنہاں نے موجودہ بیچلر کورسز غو جائیزو لیو تے یونیورسٹیاں نانہ مشورودتو کہ مزید نوا کورسز تے پوسٹ گرجیوٹ پروگرام وی شروع کرن ور غور کریں۔

DRAGON FRUIT

ضلع کٹھوعہ گا گراں نا گاری مانہ باغبانی گا فروغ واسطے سرکاری اسکیم ایچ اے ڈی پی کی مدد سگ قائم ڈریگن پھل گی فارم اس شعبہ مانہ کامیابی گی مثال بنی بے قابل ذکر ہے جے اس فارم گو قیام دوسال پہلا عملا یو گیو تھو اس پروجیکٹ سنگ مقامی لوکاں نانہ مالی فائدو وی لبو ہے تے نوجوانان واسطے باغبانی آلی بکھی کم کرنن راہ وی ہموار ہوئی ہے اس کامیاب پروجیکٹ ور کم کرن آلا نوجوان میننک گوتم نے بولتا واں کُج اس طرح کہیو۔

BRIG USMAN CRICKET

بھارتی فوج گی نوشہرہ برگیڈ ے پچھلے تہاڑے راجوری گا نوشہرہ فوجی میدان مانہ برگیڈ اُسمان پرمیر لیگ 2025-26 گو افتتاح کیو ہے اس ٹورنامنٹ نانہ بڑا جوش تے جذبہ سگ 80 برگیڈ گا کمانڈر برگیڈ کوشل کمار نے شروع کیو ہے اس باوقار تقریب مانہ ضلع گی 16 ٹیم حصولے رئی ہیں جنہاں نے قوم گے ناں اپنی زدگی وقف کی تھی اس

لیگ گو مقصد برگیڈیر عثمان پوراں گی بہادری تے وراثت نانہ خراج عقیدت پیش کرن غے نال نال نوجوان کھیڈاریاں مانہ کھیڈ گا جذبہ صلاحیت تے سماجی رابطاں نانہ فروغ دینو ہے۔ اس موقع ور حصو لین آلا اک نوجوان نے بولتا اس طرح کہیو۔

RAJOURI MEET

اج سرحدی ضلع راجوری غی تحصیل تھنہ منڈی مانہ گوجری ادبی مجلس غے زیر اہتمام ایک اہم اجلاس منعقد کیو گیو اس اجلاس غی صدارت مجلس غا ریاستی ۸ صدر

منشی خان چوہدری نے کی اجلاس مانہ چوہدری محمد اکبر گورسی مشتاق احمد کٹھانہ حاجی غلام حسین گوہر طرفیل احمد چاڑ حاجی احمد چاڑ حاجی مقبول ہسپلوٹی سمیت بڑی تعداد مانہ نامور ادیبان، شاعراں تے سماجی شخصیات نے شرکت کی۔ اجلاس مانہ اس گل ور زور دتو گیو کہ موجودہ پارلیمانی اجلاس مانہ گوجری زبان نانہ 8 واں شیڈیول مانہ شامل کیو جے کیونجے یاہ زبان جموں کشمیر غا ہر ضلع مانہ کثرت سنگ بولی جے تے ایک بڑی آبادی اس سنگ وابستہ ہے اس موقع ور ریاستی صدر منسی خان چوہدری نے کہیو کہ گوجری زبان مانہ وہ تمام علمی ادبی تے ثقافتی خصوص

یت موجود ہیں جہڑی 8 واں شیڈیول مانہ شامل کیا جان واسطے اہل ہے۔

VC CUJ

اعلیٰ صحافی تے ممتاز مصنف او پی شرما نے اج سینٹرل یونیورسٹی جموں غا
وائس چانسلر سنجیو جین سنگ ملاقات کی اُنہاں نانہ اپنی تحریر کردہ کتاب ڈوین
آف ڈوگری لیٹریچر پیش کی اس موقع ور وی سی موصوف نے اُنہاں غی اس
کوشش نانہ خوب سہرايو جس مانہ ڈوگری زبان گا ممتاز مصنف تے ان غی تصویر
وی موجود ہیں اس ملاقات غے دوران وائس چانسلر نے اظہار کیو جے مزکورہ
یونیورسٹی قومی تعلیمی پالیسی 2020 غے تحت بھارتی زباناں گا فروغ واسطے کم
کررئی ہے۔
